

# EMBASSY OF THE UNITED STATES OF AMERICA

## PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: [DhakaPA@state.gov](mailto:DhakaPA@state.gov)

WEBSITE: <http://dhaka.usembassy.gov>



## সংবাদ বিজ্ঞপ্তি

### সিসিমপুরে টুকটুকির সঙ্গে রাষ্ট্রদূত মরিয়ার্টি ও তথ্যমন্ত্রীর সাক্ষাৎ

সাভার, ২৭শে মে -- যুক্তরাষ্ট্রের রাষ্ট্রদূত জেমস এফ. মরিয়ার্টি এবং বাংলাদেশের তথ্য ও সংস্কৃতি বিষয়ক মন্ত্রী আবুল কালাম আজাদ আজ জনপ্রিয় শিশুতোষ টেলিভিশন অনুষ্ঠান সিসিমপুর-এর প্রোডাকশন স্টুডিও পরিদর্শন করেন। যুক্তরাষ্ট্র সরকার এই গুরুত্বপূর্ণ শিক্ষা বিষয়ক অনুষ্ঠান নির্মাণে অর্থায়ন করছে। রাষ্ট্রদূত মরিয়ার্টি ও তথ্যমন্ত্রীকে বাংলাদেশ জুড়ে লাখ লাখ ছোট শিশুদের ওপর এই টিভি অনুষ্ঠানের ইতিবাচক প্রভাবের কথা অবহিত করা হয়। স্টুডিও ঘুরে দেখা ছাড়াও তারা সিসিমপুরের অতি পরিচিত মাপেট ও চরিত্রসমূহ যেমন টুকটুকি, বট-তলা, লাল-বাড়ি, ইকরি ও মুকুল-সুমনার সঙ্গেও সাক্ষাৎ করেন।

বিগত ২০০৫ সালের এপ্রিল মাসে বিটিভিতে সিসিমপুর প্রচার শুরু হওয়ার পর থেকে এটি বাংলাদেশে শিশুদের মধ্যে সবচেয়ে বেশি উপভোগ্য অনুষ্ঠান হিসেবে স্থান করে নিয়েছে। এই অনুষ্ঠানের মধ্য দিয়ে প্রতি সপ্তাহে প্রায় ৯০ লাখ শিশু অনানুষ্ঠানিক শিক্ষা পেয়ে থাকে। সিসিমপুর ৩ থেকে ৬ বছর বয়সী শিশুদের শিক্ষা, সংখ্যা গণনা ও সূক্ষ্ম চিন্তাশক্তি উন্নয়নের ওপর আলোকপাত করে থাকে।

সিসিমপুর হচ্ছে নিউ ইয়র্ক-ভিত্তিক সিসেমি ওয়ার্কশপ এবং নয়নতারা কম্যুনিকেশনস বাংলাদেশ-এর মৌখিক অংশীদারিত্বে নির্মিত একটি অনুষ্ঠান। ইউএসএআইডি'র মাধ্যমে যুক্তরাষ্ট্র সরকার ১ কোটি ৪৭ লাখ ডলার অর্থায়ন করেছে। শুরুবার সকাল ৯টা ৫মিনিটে এবং শনিবার দুপুর ২টা ১৫ মিনিটে এবং বুধবার ও বৃহস্পতিবার বিকাল ৪টা ৫মিনিটে বিটিভি এবং বিটিভি ওয়ার্ল্ড-এ সিসিমপুর প্রচার করা হয়।

=====

জিআর/২০০৯

**দ্রষ্টব্য:** এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮-৩৭১৫০-৮, ফ্যাক্স: ৯৮৮-৫৬৮৮; ই-মেইল: [DhakaPA@state.gov](mailto:DhakaPA@state.gov) এবং ওয়েবসাইট: [dhaka.usembassy.gov](http://dhaka.usembassy.gov) যোগাযোগ করুন।